



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

Per digressionem indicantur rationes ob quas Deus permittat peccati
esse non potest.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

Per digressionem indicantur rationes, ob
quas Deus permittat peccata ho-
minum.

§. II.

Deus causa peccati esse non potest.

Verum dicet aliquis, ut quid Deus reli-
quit in nobis istam male ominatam pec-
candi libertatem? Si tantopere nos diligit, ut
deprædicatur, cur non adimit nobis id, quo
efficimur miserimi? Cur non potius effusio-
ne sanguinis sui & cruciatuum tolerantia
obstruit malorum omnium fontem, quam
remedium illis affert? Brevem hic digressio-
nem instituere necessarium arbitror ut obje-
ctioni tam rudi tam imperitæ respondeam.
Præsupponendum est conformiter ad ea quæ
dicturi sumus, Deum non solum autorem &
causam peccati non esse, sed omnino esse non
posse nisi se ipsum destruat, ut SS. Patres lo-
quuntur. Nimirum res nulla prorsus tam est
contraria alteri & repugnat, quam peccato
Deus; ipse siquidem infinita est sapientia &
bonitas; peccatum autem summa creatæ vo-
luntatis perversitas, summa malitia. Deus ni-
hil odit eorum quæ fecit, sacra Scriptura te-
ste: Sap. ii. quomodo igitur facere peccatum
potest, a quo tantopere abhorret, ut, sicut
Pro-